



PEJABAT TIMBALAN KETUA PENGARAH PELAJARAN MALAYSIA  
OFFICE OF DEPUTY DIRECTOR-GENERAL OF EDUCATION MALAYSIA  
SEKTOR OPERASI SEKOLAH  
SCHOOL OPERATIONAL SECTOR  
KEMENTERIAN PENDIDIKAN MALAYSIA  
MINISTRY OF EDUCATION MALAYSIA  
ARAS 4 BLOK E2, KOMPLEKS E  
LEVEL 4 BLOCK E2 COMPLEX E  
PUSAT PENTADBIRAN KERAJAAN PERSEKUTUAN  
FEDERAL GOVERNMENT ADMINISTRATIVE CENTRE  
62604 PUTRAJAYA  
MALAYSIA

Tel : +603-8884 9302  
Faks : +603-8888 6680  
Website : <http://www.moe.gov.my/>

Ruj. Kami : KPM.100-1/3/1 Jld. 6 ( 35)

Tarikh : 29 Jun 2021

Semua Ketua Bahagian  
Semua Pengarah Pendidikan Negeri

YBhg.Datuk/Dato'/Dr./Tuan/Puan,

***SURAT PEKELILING IKHTISAS KEMENTERIAN PENDIDIKAN MALAYSIA  
BILANGAN 4 TAHUN 2021***

**GARIS PANDUAN TADBIR URUS SEKOLAH MENENGAH DAN SEKOLAH  
RENDAH KEMENTERIAN PENDIDIKAN MALAYSIA: *MALAYSIAN SCHOOL  
GOVERNANCE (MySG)***

**TUJUAN**

Surat Pekeliling Ikhtisas (SPI) ini bertujuan untuk memaklumkan berkenaan Garis Panduan Tadbir Urus Sekolah Menengah dan Sekolah Rendah Kementerian Pendidikan Malaysia (KPM): *Malaysian School Governance (MySG)*.

**LATAR BELAKANG**

2. Penyediaan senarai tugas guru merupakan salah satu inisiatif jangka panjang yang terkandung dalam tindak susul Kajian Inisiatif #97 Pelan Pembangunan Pendidikan Malaysia (PPPM) 2013-2025: Menangani Tugas dan Tanggungjawab Guru di Sekolah-sekolah KPM. Mesyuarat Jawatankuasa Perancangan Pendidikan ke-214 Bil. 8/2017 bertarikh 5 Oktober 2017 telah bersetuju Bahagian Pengurusan Sumber Manusia, KPM menjadi peneraju kepada inisiatif ini.

3. MySG merupakan satu garis panduan pengurusan sekolah yang komprehensif dan sistematik bertujuan untuk mengatasi isu kekaburan peranan dan menyeragamkan pengurusan sekolah berdasarkan program dan aktiviti dari Bahagian-bahagian KPM yang perlu ada di semua sekolah. Namun begitu, penerbitan MySG ini tidak menghalang pihak Jabatan Pendidikan Negeri (JPN) dan Pejabat Pendidikan Daerah (PPD) merancang dan melaksanakan amalan terbaik (program dan aktiviti) di negeri dan daerah masing-masing yang bersesuaian dengan keupayaan sumber di sekolah.

4. Mesyuarat Profesional KPM Bil. 11/2021 bertarikh 23 Mac 2021 bersetuju dan meluluskan penggunaan garis panduan tadbir urus sekolah Malaysia yang dinamakan *Malaysian School Governance* (MySG) sebagai rujukan rasmi pengurusan sekolah-sekolah KPM.

## **PELAKSANAAN**

5. YBhg. Datuk/Dato'/Dr./Tuan/Puan hendaklah memastikan penggunaan garis panduan MySG seperti yang berikut:

- 5.1 MySG Sekolah Menengah sebagai rujukan rasmi pengurusan sekolah-sekolah menengah termasuk Sekolah Model Khas KPM;
- 5.2 MySG Sekolah Rendah sebagai rujukan rasmi pengurusan sekolah-sekolah rendah termasuk Sekolah Model Khas Komprehensif K9 KPM;
- 5.3 MySG Sekolah Menengah dan MySG Sekolah Rendah digunakan oleh Jemaah Nazir (JN) dalam pembinaan instrumen penilaian Standard Kualiti Pendidikan Malaysia;
- 5.4 MySG Sekolah Menengah dan MySG Sekolah Rendah digunakan oleh Institut Aminuddin Baki (IAB) dalam pembinaan modul latihan kepada pemimpin dan pemimpin pertengahan sekolah;
- 5.5 MySG Sekolah Menengah dan MySG Sekolah Rendah digunakan oleh Bahagian Profesionalisme Guru (BPG) dalam pembinaan modul latihan guru dalam perkhidmatan dan Dimensi Kompetensi Standard Guru Malaysia;

- 5.6 MySG Sekolah Menengah dan MySG Sekolah Rendah digunakan oleh Institut Pendidikan Guru Malaysia (IPGM) dalam pembinaan modul latihan guru praperkhidmatan; dan
- 5.7 MySG Sekolah Menengah dan MySG Sekolah Rendah digunakan oleh English Language Teaching Centre (ELTC) dalam pembinaan modul latihan guru dalam perkhidmatan.
6. MySG Sekolah Menengah dan MySG Sekolah Rendah boleh dimuat turun dari laman sesawang KPM di [www.moe.gov.my](http://www.moe.gov.my).

#### **TARIKH KUAT KUASA**

7. SPI ini **berkuat kuasa serta merta** mulai pada tarikh SPI ini dikeluarkan.

#### **TANGGUNGJAWAB KETUA JABATAN**

8. YBhg. Datuk/Dato'/Dr./Tuan/Puan hendaklah mengambil tindakan dengan memaklumkan kandungan SPI ini kepada semua pegawai yang bertanggungjawab di bahagian KPM, JPN, PPD dan sekolah bawah pentadbiran YBhg. Datuk/Dato'/Dr./tuan/puan.

Sekian, terima kasih.

**“PRIHATIN RAKYAT: DARURAT MEMERANGI COVID-19”**

**“BERKHIDMAT UNTUK NEGARA”**

Saya yang menjalankan amanah,



**(DATO' HAJI ADZMAN BIN TALIB)**

Timbalan Ketua Pengarah Pelajaran Malaysia  
(Sektor Operasi Sekolah)

merangkap Timbalan Ketua Pendaftar Institusi Pendidikan dan Guru  
Kementerian Pendidikan Malaysia

- s.k.
1. YB. Menteri Kanan Pendidikan  
Kementerian Pendidikan Malaysia
  2. YB. Timbalan Menteri Pendidikan I  
Kementerian Pendidikan Malaysia
  3. YB. Timbalan Menteri Pendidikan II  
Kementerian Pendidikan Malaysia
  4. Ketua Setiausaha  
Kementerian Pendidikan Malaysia
  5. Ketua Pengarah Pelajaran Malaysia  
Kementerian Pendidikan Malaysia
  6. Semua Timbalan Ketua Setiausaha  
Kementerian Pendidikan Malaysia
  7. Semua Timbalan Ketua Pengarah Pelajaran Malaysia  
Kementerian Pendidikan Malaysia
  8. Penasihat Undang-Undang  
Kementerian Pendidikan Malaysia